



რევაქცინაცია მრნა-ვაქცინის გამოყენებით (ფაიზერი/ზაიონტექი, მოდერნა)

მრნა-ვაქცინები ძალიან კარგად იცავენ Covid-19-ით დაავადების მიმე ფორმისგან და ჰოსპიტალიზაციისგან. აგრის ეს დაცვითი ეფექტი დროთა განმავლობაში შეიძლება შესუსტდეს ასაკის და ვირუსის სხვადასხვა ვარიანტის მიხედვით. თუმცა დაავადების მსუბუქი ფორმით მიმდინარეობის, ისევე როგორც ვირუსის გავრცელებისგან დაცვა დროთა განმავლობაში ყველა პირთან მცირდება. ამ პროცესის სიჩქარე განსხვავდება ვირუსის სხვადასხვა ვარიანტის მიხედვით. ამიტომაც 12 წლის ასაკიდან ყველა პირს ვურჩევთ რევაქცინაციას.

რა არის რევაქცინაციის მიზანი?

ბუსტერ-დოზით აცრა თავისებურად შეახსენებს იმუნურ სისტემას დაავადების გამომწვევი პათოგენის შესახებ. ვაქცინის მეშვეობით დაცვის უფრო მაღალი უნარი კვლავ აღდგება და გახანგრძლივდება.

ვისთვის არის რეკომენდირებული რევაქცინაცია?

ბუსტერ-დოზით აცრა რეკომენდირებულია 12 წლის ასაკიდან.

- 65 წელს ზემოთ ყველა პირისათვის. ბუსტერ-დოზით აცრა პირველ რიგში საუკეთესოა Covid-19 მიმე ფორმისგან და ჰოსპიტალიზაციისგან თავის დასაცავად. განსაკუთრებით კი:
 - 75 წელს ზემოთ პირებისთვის;
 - ქრონიკული დაავადებების მქონე 65 წელს ზემოთ პირებისთვის, რომლებთანაც არსებობს Covid-19-ის მიმე ფორმით დაავადების მაღალი რისკი¹ ;
 - 65 წლამდე პირებისთვის, რომლებიც ცხოვრობენ მოხუცთა სახლებში ან საჭიროებენ მოვლას თავშესაფრებში და დღის განმავლობაში ხანდაზმულთა მოვლის დაწესებულებებში.
- ასევე 16-დან 64 წლამდე ასაკის ყველა პირისთვის. რევაქცინაცია 65 წლამდე ადამიანებში ზრდის დაცვას დაინფიცირებისგან, ისევე როგორც დაავადების მსუბუქი და უფრო იშვიათად გართულებული ფორმისგან და მათი შედეგებისგან (მაგ. ხანგრძლივი Covid-19-ისგან, შრომისუნარიანობის დაკარგვისგან). მას შეუძლია დროებით შეასუსტოს ვირუსის ცირკულაცია. ამიტომ რევაქცინაცია განსაკუთრებით რეკომენდირებულია:
 - ქრონიკული დაავადების მქონე 65 წლამდე პირებისთვის, რომლებიც განსაკუთრებით საფრთხის ქვეშ არიან, როგორც Covid-19 დაავადების მაღალი რისკის¹ჯგუფში მყოფი პირები;
 - 65 წლამდე პირებისთვის, რომლებიც ცხოვრობენ მოხუცთა სახლებში ან საჭიროებენ მოვლას თავშესაფრებში და დღის განმავლობაში ხანდაზმულთა მოვლის დაწესებულებებში.
 - პაციენტებთან უშუალო კონტაქტში მყოფ ჯანდაცვის პერსონალისთვის და განსაკუთრებული რისკის ქვეშ მყოფი პირების მომვლელი პერსონალისთვის.

რევაქცინაცია რეკომენდირებულია ასევე ორსული ქალებისთვის ფეხმძიმობის მე-2 მესამედიდან და მეტუპური დედებისათვის.

- მოზარდები 12-დან 15 წლამდე. ამ პირებისთვის რეკომენდირებულია ბუსტერ-დოზით ვაქცინაცია, თუ სურთ დაავადების მსუბუქი ფორმით მიმდინარეობისგან დაიცვან თავი და ასევე შეამცირონ გადაცემის რისკი ახლო კონტაქტში მყოფ პირებზე (ოჯახის წევრებზე).

როდის უნდა მოხდეს რევაქცინაცია?

რევაქცინაცია რეკომენდირებულია მრნა-ვაქცინით სრულყოფილი პირველადი ვაქცინაციიდან 4 თვის შემდეგ. პირველადი ვაქცინაცია სრულყოფილად ითვლება:

- მრნა-ვაქცინით ორჯერადად აცრის შემდეგ; ან

- კორონავირუსით დადასტურებული ინფექციის შემდეგ + მრნა-ვაქცინის დოზა მინიმუმ 4 კვირის შუალედში (თანმიმდევრობისგან განურჩევლად). თუ მრნა-ვაქცინით სრულყოფილი პირველადი ვაქცინაციის შემდეგ კორონავირუსით ინფიცირება დადასტურდა, მოქმედებს შემდეგი წესი:
 - პირველადი ვაქცინაციის შემდეგ 4 თვის განმავლობაში ინფიცირების შემთხვევაში რეკომენდირებულია რევაქცინაცია დაინფიცირებიდან 4 თვეში.
 - პირველადი ვაქცინაციის შემდეგ, 4 თვეზე მეტი ხნის გასვლის შემდეგ ინფიცირების შემთხვევაში წესით რევაქცინაცია საჭირო არ არის.

12-დან 15 წლამდე მოზარდებისთვის, რომლებიც პირველადი სრული იმუნიზაციიდან 4 თვის შემდეგ დაინფიცირდნენ ბუსტერ-დოზით აცრა რეკომენდირებული არ არის.

რომელი ვაქცინით და რა დოზით კეთდება რევაქცინაცია?

რევაქცინაციის დროს შეძლებისდაგვარად გამოიყენება იგივე ვაქცინა, რითაც პირველადი აცრა ჩატარდა. თუკი ის ხელმისაწვდომი არ არის, მისი ჩანაცვლება შესაძლებელია სხვა მრნა-ვაქცინით. თუ პირველადი ვაქცინაცია სხვადასხვა მრნა-ვაქცინით მოხდა, რევაქცინაციისთვის შესაძლებელია გამოყენებულ იქნას რომელიმე მათგანი.

18-დან 29 წლამდე ასაკის პირებისთვის რეკომენდირებულია ვაქცინაცია ფაიზერი/ზაიონტექით. 12- დან 17 წლამდე ასაკის პირებისთვის რეკომენდირებულია ვაქცინაცია ფაიზერი/ზაიონტექით.

ფაიზერი/ზაიონტექით რევაქცინაციის შემთხვევაში კეთდება იგივე დოზა, როგორც პირველადი ვაქცინაციის დროს. მოდერნით რევაქცინაციის შემთხვევაში კი კეთდება ნახევარი დოზა.

სად შემიძლია აცრა გავიკეთო?

რევაქცინაციაზე პასუხისმგებელი არიან კანტონები. რეგისტრაციისა და ვაქცინაციის შესახებ დამატებითი ინფორმაციისთვის ეწვიეთ თქვენი კანტონის ვებგვერდს (www.bag-coronavirus.ch/kantone) ან დარეკეთ ინფო-ხაზზე ან მიმართეთ თქვენს ექიმს ან აფთიაქარს.

ყველა დანარჩენი ინფორმაცია, რომელიც რევაქცინაციას ეხება, არის იგივე, რაც პირველადი ვაქცინაციის დროს და შეგიძლიათ გაეცნოთ საინფორმაციო ბუკლეტის მეშვეობით „Covid-19 საწინააღმდეგო მრნა-ვაქცინასთან დაკავშირებული ზოგადი ინფორმაცია“.

¹ ცხრილი 2, გვ. 11 მრნა-აცრის რეკომენდაცია: დაავადებების განმარტება მაღალი რისკის ქვეშ მყოფი ქრონიკულად დაავადებული პირებისთვის (გერმანულად).